



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

CVIII. Ejusdem praeceptum pro Oliba Comite Carcassonensi.

urn:nbn:de:hbz:466:1-22974

C VI.

Præceptum Karoli Calvi pro monasterio Solemniacensi.

An. 876.
Ex schedis
V. C. Laco-
bi Sirmo-
di.

IN nomine sanctæ & individue Trinitatis. Karolus ejusdem Dei omnipotentis misericordia Imperator. Quicquid locis divinis cultibus mancipatis largiendo conferimus, profuturum nobis & ad æternam beatitudinem facilius obtinendam & ad præsentem vitam felicis transigendam omnino confidimus. Itaque notum sit omnibus sanctæ Dei Ecclesiæ & nostris præsentibus scilicet atque futuris quia pro absolutione peccatorum nostrorum complacuit nobis Bernardum venerabilem & nobis dilectum Abbatem ex monasterio Solemniaco, quod est in honore beati Petri & Pauli constructum, quasdam villas, quarum una dicitur Vosias, altera verò Ludiniacus, cum omnibus ad se pertinentibus, & cum familia utriusque sexus desuper commanentibus, vel ad id jure respicientibus, jamdicto Abbati sive successoribus ecclesiastico more tenendum atque ad perpetuum regendum per hoc altitudinis nostræ præceptum condonamus atque condonantes delegamus. Unde hoc celsitudinis nostræ præceptum hoc fieri iussimus, per quod memoratas res cum omni integritate omnibusque appendiciis & cum familia utriusque sexus perpetuo jure habendas jamdicto Abbati & successoribus ejus sine cuiuspiam contradictione aut usurpatione sive minoratione omnino condonantes roboramus. Ut autem hujus nostræ auctoritatis largitio in Dei nomine majorem obtineat deinceps firmitatis vigorem, manu propria subter firmantes, anuli nostri impressione assignari iussimus.

Signum Karoli gloriosissimi Imperatoris Augusti.

Audacher Notarius ad vicem Gozleni recognovit.

Data xvii. Kal. Augustas Indictione viii. anno xxxvii. regnante Karolo gloriosissimo Imperatore, & in successione regni Lotharj anno vi. imperij autem ejus anno i.

Actum Pontioni palatio imperiali in Dei nomine feliciter. Amen.

C VII.

Præceptum Karoli Calvi Imperatoris de rebus quas Adalbertus in Rivisaco & Sarmasia dedit monasterio sancti Germani Autissiodorensis.

An. 877.
Ex chartulario S. Germani Autissiodorensis.

IN nomine sanctæ & individue Trinitatis. Karolus ejusdem Dei omnipotentis misericordia Imperator Augustus. Si servorum Dei iustis postulationibus aurem nostræ serenitatis accommodamus, easque ad effectum pie petitionis prosperandæ perducimus, profuturum nobis hoc ad præsentem vitam felicis transigendam & ad futuram vitam facilius obtinendam fore nullatenus dubitamus. Quocirca noverit omnium sanctæ Dei Ec-

clesiæ fidelium nostrorumque tam præsentium quamque futurorum solertia quoniam quidam ex monachis ex cœnobio sancti Germani Autissiodorensis adierunt excellentiam nostræ celsitudinis, innotescentes serenitati nostræ qualiter quidam noster fidelis Adalbertus nomine alodium suum, quod constat in finibus comitatus Senonici, & est in villis Rivisaco & Sarmasia supra fluvium Sedono, eidem cœnobio liberalitatis munificentia per cartarum instrumenta contulisset, Abbas vero memorati cœnobij & reliqui fratres ipsius alodium jure beneficiario & usufructuario eidem Adalberto denuo conferre studuerunt, sed post hæc ob illius negligentiam in fiscum nostrum decedit, & in jus ac dominationem nostram legaliter devenit. Et quia præfato cœnobio non aliter legitime, postquam in fiscum nostrum deciderat, reddi poterat nisi per præceptum nostræ auctoritatis, libuit serenitati nostræ hoc altitudinis nostræ præceptum fieri & jamdicto cœnobio dari; per quod præcipimus atque jubemus ut ita præfatum alodium, stipendiis fratum à nobis deputatum, ita quiete teneat atque possideat, absque alicujus inquietudinis impulsu, sicut reliquas res olim à fidelibus Christianis antiqua munificentia sibi collatas. Ut autem hujus nostræ auctoritatis præceptum pleniorum in Dei nomine firmitatis obtineat vigorem, manu nostra illud firmavimus atque anuli nostri impressione subter iussimus sigillari. Datum Non. Maij Indictione x. anno xxxvii. regni Domni Karoli Imperatoris in Francia, & imperij ejus anno secundo. Actum Compendio monasterio in Dei nomine feliciter. Amen.

C VIII.

Ejusdem præceptum pro Oliba Comite Carcaffonensi.

IN nomine sanctæ & individue Trinitatis. Karolus ejusdem Dei omnipotentis misericordia Imperator Augustus. Imperialis celsitudinis mos est fidelis regni sui donis multiplicibus atque honoribus ingentibus honorare sublimisque efficere. Proinde ergo & nos prædecessorum imperatorum parentum videlicet nostrorum morem sequentes, libuit celsitudini nostræ quendam fidem regni nostri nomine Olibam de quibusdam rebus quæ sunt in nostra ditione honorare atque sublimare, quæ res sitæ sunt in Gotia, id est, omnes alodes quæ sue sunt olim infideli nostro Etilio Berani, & ob illius infidelitatem in jus & dominationem nostram legaliter devenerunt. Hos igitur omnes alodes in variis comitatibus Gotiæ consistentibus jam dicto Olibæ fideli nostro concedimus & concedendo perpetualiter delegamus, ita ut ab hodierna die & deinceps liceat memorato Olibæ Comiti Carcaffonensi fideli nostro ex eisdem alodis à nobis sibi concessis facere quicquid voluerit sicut de reliquis rebus sue proprietatis, & omnia cartarum instrumenta ex eisdem alodis dudum facta seu qualibet firmitatum conscriptiones per hoc nostræ serenitatis præceptum irrita facimus atque evacuando annullamus; sed licet jam facto Olibæ Comiti eisdem alodes cum omni in-

An. 877.
Ex archivo
monasterij
Carcaffonensis.

regritate sua atque adjacentis quietè tenere atque possidere nemine inquietante. Similiter omnes alodes qui fuerunt Fredario & uxori suæ Deufianæ, qui sunt in Carcasense, qui fuit infidelis noster. Similiter omnes alodes Hostoliti & fratrum suorum, qui alodes sunt in Carcasense, infidelium nostrorum. Hæc autem omnia cum Ecclesiis, villis, silvis, vineis, pratis, & cum omni integritate sua Olibæ in proprium concedimus & de jure nostro in jus ac dominationem illius solemniter more transferimus, ita ut ab hodierna die & deinceps quicquid ex prædictis rebus facere voluerit, liberam & firmissimam in omnibus habeat faciendi sicut de reliquis rebus suæ proprietatis nemine contradicente. Ut autem hujus nostræ auctoritatis præceptum plenius in Dei nomine firmitatis obtineat vigorem, manu nostra illud firmavimus, atque anuli nostri impressione subter jussimus sigillari.

Signum Karoli gloriosissimi Imperatoris Augusti.

Audacer ad vicem Gauzlini recognovit.

Data 111. Idus Junij, Indictione decima, anno xxxviii. regni Karoli gloriosissimi Imperatoris Augusti in Francia, & imperij ejus secundo.

Actum Carisiaco palatio feliciter in Dei nomine. Amen.

• Protatius ambasciavit.

CIX.

Ludovici II. Regis Francorum præceptum pro Ecclesia Parisiensi.

An. 878.
Ex patre
charulario
Ecclesie
Parisiensis.

IN nomine Domini Dei æterni & salvatoris nostri Iesu Christi. Ludovicus misericordia Dei Rex. Si ecclesiasticis negotiis consulendo, quorum statum ad emeliorationem ob Christi amorem deducimus, ab ipso non dubitamus accipere retributionem pro cuius hoc honore peragimus. Noverit igitur omnium fidelium sanctæ Dei Ecclesie nostrorumque præsentis & futura sagacitas quoniam Adelaidis castissima nostra conjux & Gauzlinus venerabilis Abbas ad nostram accedentes mansuetudinem deprecati sunt ut in nostræ mercedis augmentum semperque virginis intemeratæ genitricis Mariæ emolumentum Yngeluvino venerabili Parisiensis urbis Episcopo & suæ Ecclesie, quæ est in honore sanctæ Mariæ matris Domini ædificata, per nostrum denuo præceptum, patris nostri imitantes liberalitatem, abbatiam sancti Eligij, quæ est infra muros Parisij civitatis, ad jus ecclesiasticum habendam & ab ipso & ab omnibus successoribus suis æternaliter possidendam reconcederemus. Sed jamdictus venerabilis Episcopus Yngeluvinus deprecatus est ut ex ipsa abbatia quandam villulam quæ vocatur Gentiliacus cum Ecclesia & omnibus ad eandem villulam pertinentibus memoratæ suæ matri Ecclesie ad luminaria per hoc ipsum nostræ auctoritatis præceptum perpetualiter habendam concederemus, cuius etiam preces spernere nolumus. Unde ob Domini nostri Iesu Christi suæque genitricis amorem nostræ concessionis iterum fieri præceptum & jamdicto Yngeluvino venerabili

Episcopo atque suæ matri Ecclesie dari jussimus, per quod supradictam abbatiam cum omnium suarum rerum integritate tam ipse quam & omnes post eum futuri Pontifices libere teneant, sicut a genitore nostro institutum est, & more ecclesiastico perenniter possideant, eo scilicet ordine sicut & alias res quæ eidem matri Ecclesie concessæ habentur, verùm præfatam villulam Gentiliacum propriè ad luminaria jugiter teneat; quam volumus ut nullus Episcoporum per accidentia tempora ad suam proprietatem detinetur aut alicui dare præsumat, sed tantum ad luminaria deserviat. Eo si quidem pacto ut diem à Deo nobis concessæ unctiois, quæ est vii. Idus Decembris, & diem nostri futuri obitus præful memoratus atque sui successores sub continua orationum Missarumque assiduitate cum omni clero sibi commisso celebret, & refectiones in jamdictis diebus in utraque congregatione studiosissimè peragantur. Ceterum pro præsentis utriusque Ecclesie emolumento à nobis restituito omni præful pro nobis, conjuge, & prole, regnique statu Domini misericordiam inclinenter exorare procuret. Et ut hæc nostræ denuo reconfirmatiois auctoritas per omnia tempora inviolabiliter conservetur, manu propria subter firmavimus, & anulo nostro insigniri jussimus.

Velfardus Notarius ad vicem Gozlini recognovit & subscripsit præceptum hujus exemplariæ.

Datum 1 v. Non. Aprilis Indictione xi. anno i. regni Domini Ludovici gloriosissimi Regis.

Actum Parisius civitate in Dei nomine feliciter. Amen.

CX.

Ejusdem præceptum pro Ecclesia Barcinonensi.

IN nomine Domini Dei æterni & Salvatoris nostri Iesu Christi. Ludovicus misericordia Dei Rex. Si sacerdotibus in quibuslibet necessitatibus ecclesiasticis nostra auctoritate sublevandis consulimus, & ad ministerium suum liberè exsequendum opem ferimus, à summo Pontifice Domino nostro Iesu Christo æterna remuneratione largiri nobis præmia non ambigimus. Notum sit igitur omnibus fidelibus sanctæ Dei Ecclesie nostrisque præsentibus scilicet & futuris quia venerabilis Prodyonus Barcinonensis Episcopus ad nostram accedens clementiam deprecatus est regiam celsitudinem nostram quatenus ipsam Ecclesiam & sedem Barcinonensem sub immunitatis nostræ tuitione susciperemus, sicut Dominum genitorem nostrum Karolum Imperatorem constat fecisse. Cujus precibus liber acquiescentes præcipiendo jubemus ut nullus iudex publicus vel quilibet ex judiciaria potestate in Ecclesias aut loca aut agros seu reliquas possessiones quas moderno tempore in quibuslibet pagis vel territoriis infra ditionem regni nostri justè & legaliter memorata tenet vel possidet Ecclesia, vel ea quæ deinceps à catholicis viris divina pietas in jure ipsius Ecclesie tam ingenuos quam servos super terram ipsius voluerit augeri, ad causas

An. 878.
Ex charulario
Ecclesie
Barcinonensis.